



Univerzitet u Sarajevu – Muzička akademija  
Univerzitet u Sarajevu – Centar za muzičku edukaciju Muzičke akademije  
Odsjek za gudačke instrumente i gitaru – Smjer violina  
Univerzitet u Sarajevu – Odjel za umjetnost, umjetničkoistraživački rad, kulturu i sport

Osnovne muzičke/glazbene škole u BiH

Srednje muzičke/glazbene škole u BiH

Poštovani,

Ovim putem pozivamo učenike i učenice osnovnih (5. i 6. razred) i srednjih (1. do 4. razred) muzičkih/glazbenih škola iz BiH da se prijave i učestvuju na Audiciji za *Muzički kamp za mlade virtuoze*. Projekat vodi Univerzitet u Sarajevu – Centar za muzičku edukaciju Muzičke akademije i Odsjek za gudačke instrumente i gitaru – Smjer violina (van. prof. dr. YeonJu Jeong, MAS, mr. Fuad Šetić, MAS), u suradnji s Univerzitetom u Sarajevu – Odjel za umjetnost, umjetničkoistraživački rad, kulturu i sport.

Cilj projekta je skupnim muziciranjem učenika bosanskohercegovačkih osnovnih i srednjih muzičkih/glazbenih škola i studenata Muzičke akademije Univerziteta u Sarajevu, u suradnji s nastavnicima/cama gudačkih instrumenata, zajedničkim angažmanom skrenuti pažnju javnosti na mlade bosanskohercegovačke talentirane umjetnice i umjetnike. Kruna projekta je realizacija koncerta u okviru *Dana umjetnosti Univerziteta u Sarajevu*. Članovi orkestra će biti učenici/ce gudačkog odsjeka – Smjer violina osnovnih i srednjih muzičkih/glazbenih škola BiH, studenti/ce Muzičke akademije Univerziteta u Sarajevu, te po potrebi nastavnici/ce gudačkih instrumenata OM/GŠ, SM/GŠ i MAS. Solisti/ce, četiri solista/ice na violini, i članovi/ice orkestra će prema procjeni stručnog žirija biti učenice i učenici osnovnih i srednjih muzičkih/glazbenih škola iz BiH.

Tokom prvog dijela projekta *Muzički kamp za mlade virtuozne*, u periodu od 27. 12. 2021, do 09. 03. 2022. godine, masterclass za učenike i učenice violine, nastavnike i nastavnice violine osnovnih i srednjih muzičkih/glazbenih škola, održan je u školama: Srednja muzička škola *Čestmir Mirko Dušek*, Tuzla (27.12. 2022), Osnovna muzička škola *Tuzla* (28. 12. 2022), Osnovna muzička škola *Zenica* (30. 12. 2022), Srednja muzička škola *Zenica* (30. 12. 2022), Srednja muzička škola *Sarajevo* (28. i 29. 12. 2022), Osnovna muzička škola *Mladen Pozajić*, Sarajevo (14. 02. 2022), Osnovna muzička i baletska škola *Novo Sarajevo* (14. 02. 2022.), Osnovna muzička škola *Ilidža* (14. 02. 2022), Glazbena škola *Ljubuški* (02. 02. 2022), Muzička škola I i II stupnja Mostar (03. 02. 2022), Muzička škola *Trebinje* (04. i 05. 02), Muzička škola *Stevan Stojanović Mokranjac*, Bijeljina (21. 02), Umjetnička škola *Nusret Keskin – Braco*, Bihać (02. i 03. 03. 2022), Muzička škola *Vlado Milošević*, Banja Luka (04. i 05. 03. 2022), Glazbena škola *Katarina Kosača – Kotromanić*, Žepče (07. 03. 2022), Osnovna glazbena škola *Jakova Gotovca*, Novi Travnik (09. 03. 2022), Srednja glazbena škola *Jakova Gotovca*, Novi Travnik (09. 03. 2022), Osnovna muzička škola *Travnik* (09. 03. 2022). Na masterclassu je učestvovalo oko 140 učenica i učenika violine, te brojni nastavnici i nastavnice, iz 24 muzičke/glazbene osnovne i srednje škole širom Bosne i Hercegovine.

Audicija će se održati **12. aprila 2022.** godine na Muzičkoj akademiji Univerziteta u Sarajevu sa početkom u **13:00h**, u **Sali Cvjetko Rihtman**.

Za učešće na audiciji, organizator je obezbijedio klavirskog saradnika. Sa klavirskim saradnikom kandidati/kinje će, po izboru, imati probu od **10:00h**. U slučaju da učesnicima/cama treba klavirski saradnik, molimo da uz prijavu pošaljete skenirane notne materijale za klavir. Program za audiciju je po slobodnom izboru, u trajanju od 10 do 15 minuta.

Putni trošak i eventualni smještaj za učesnike/ce audicije, obezbjeđuju učesnici/ce sami. Užina je obezbijeđena za učesnike/ce Audicije.

Selekcijom žirija, 7 tutti violina i 4 solista/solistice će učestvovati u kampu.

Uspješni kandidati/kinje imat će čas na kojem će raditi na interpretaciji programa. Čas će voditi van. prof. dr. YeonJu Jeong i dirigent mr. Fuad Šetić. Za učenice i učenike i njihove nastavnice i nastavnike, smještaj tokom trajanja kampa i putni troškovi, bit će obezbijeđeni.

Detaljnije informacije o realizaciji Kampa i terminu koncerta biti će blagovremeno

proslijeđene kandidatima i kandidatkinjama koji uspješno polože Audiciju, te njihovim nastavnicima/cama i direktorima/ravnateljima muzičkih/glazbenih škola.

Molimo da za zainteresirane kandidate/kinje, potpisan i pečatom škole potvrđen Prijavni obrazac pošalje predmetni nastavnik/ca, na mail [centerzamuzedu@mas.unsa.ba](mailto:centerzamuzedu@mas.unsa.ba) najkasnije do 1. aprila 2022. godine do 23:59h.

Radujemo se realizaciji *Muzičkog kampa za mlade virtuoze!*